

# Godine nisu kriterij, znanje daje kvalitet

„Želim da razgovaram sa studentima i da se upoznam sa njihovim potrebama, sa onim što oni žele i što ih zanima“, iznosi nam gosp. Barašin



*Pomoći ću mladim ljudima da ostvare svoje realne ciljeve i da se izgradi jedan pozitivan imidž naše države*

**Pripremila: Mirnesa Halilović**

Ostoja Barašin, titulu doktora sociologije stekao je na Filozofskom fakultetu Univerziteta u Banja Luci, na državnom univerzitetu. Diplomirao je na Vojnoj akademiji te trenutno radi u bankarskom sektoru kao direktor za marketing i proizvode. Do sada nije bio politički aktivan kao kandidat na izbornim listama, te je ove godine odlučio da se kandiduje. Mlade ljude ističe kao jednu vrijednost, pa i prosperitet svoje stranke. To je jedan aktivan dio svijeta koji stiže konstantno iskustvo i dokazuje svoje sposobnosti.

## Zaposlenje za sve kategorije

Rijetki su oni koji iako obećavaju mnogo prepoznaju stvarne potrebe mladih



*Trenutno mladih ljudi nema na mnogo pozicija*

osoba. Shvatiti šta je neophodno mladim ljudima, koje su njihove potrebe i stvarne mogućnosti, cilj je rada gosp. Barašina kako nam iznosi. Trenutno mladih ljudi nema na mnogo pozicija, oni su ti od kojih svi traže znanje i iskustvo koje i nemaju mogućnost da steknu. Osim što je neophodno da se poboljšaju uslovi školovanja mladih, također je ključni problem i gdje zaposliti one koji dobiju diplomu. Pored toga gosp. Barašin nam kaže da je veliki problem i nastojanje da se mladim bračnim parovima obezbijede uslovi za kvalitetno stambeno situiranje.

## Budućnost za mlade porodice

Prepreke koje stoje na putu mladima se nagomilavaju. Čak i nakon što dobiju zaposlenje i osnuju porodicu. Jedan je od problema kako da se brinu o djeci za koju je veoma teško obezbijediti u samom početku i vrtić. Kako saznajemo u razgovoru sa gosp. Barašinom, u Banja Luci su cijene u vrtićima poprilično skupe i nemoguće je uopće i pronaći kvalitetno mjesto da se dijete povjeri jer je veliki broj djece, a mjesta sve manje.

## Ulaganja u sport

Sport je svakako oblast u koju u svakom trenutku valja ulagati i brinuti se o njegovim nosiocima. Omasovljenje i razvoj sredstava za sport je jedan od ciljeva. Izgraditi stadione i adekvatne terene na kojima će mladi moći da profilišu svoje sposobnosti, te i razviju svoje sposobnosti je primarna potreba koja se treba sprovesti

Sada je vrijeme da se postupi planski i osmišljeno  
Neophodan je angažman ljudi otvorenih svjetonazora, onih koji zadovoljavaju moralne i stručne kriterije i koji dokazuju da mogu. Jasno je da smo do sada imali mnogo onih koji su tvrdili da mogu ipak, međutim rezultati nisu pokazali tako. Sada je vrijeme da se postupi planski i osmišljeno ne bi li se postigao jedan vrhunski cilj i šansa za sve.

što je moguće prije. Na ovakav način ne samo da ćemo pomoći mladim ljudima da ostvare svoje realne ciljeve već i da se izgradi jedan pozitivan imidž naše države.

## Komunikacija sa studentima

„Želim da razgovaram sa studentima i da se upoznam sa njihovim potrebama, sa onim što oni žele i što ih zanima“, iznosi nam gosp. Barašin. Veoma je bitno da se studentskoj populaciji obezbijede kvalitetniji uslovi rada i aktivnosti koje su im neophodne. Život studenata je neophodno kreirati na jedan mnogo kvalitetniji i organizovaniji način. Vrijeme je da se ovoj populaciji pruži jedno mjesto koje zaslužuje i koje će oni svakako opravdati. Ovakvim načinom rada svjesno i planski obezbijedit ćemo sebi jednu kvalitetnu budućnost.